

山東府縣志輯

中國地方志集成

民國商河縣志

中國地方志集成

山東府縣志輯 ①⑦

民國商河縣志

鳳凰出版社 ● 上海書店 ● 巴蜀書社

重修商河縣志序

縣之有志猶國之有史也欲徵國家之文獻則宜博究乎歷史欲徵地方之文獻尤當參稽乎縣志故夫古之善爲治者莫不引國史爲經縣志爲緯經緯並重不容少有歧視於其間也商河之有志自前明萬歷丁亥年始迨清道光壬辰踵事增華方集大成迄今將近百年而其間未嘗計及忽此爲政首務良可慨也舊令李公有見於斯迺倡議重修規模未具遽解組以去癸酉六月奉檄來權縣篆甫下車卽邀邑紳集議廣續重修延至甲戌年三月乃決立文獻委員會縣志股推舉編纂分類責成歷九閱月而蒞事繪圖列表繕冊送核披閱再三體例謹嚴其所採摭新舊辨正謬

商河縣志

卷之首

序文

一

謬並增減補續折衷一是不尙鋪張務求覈實較諸舊志尤爲精詳竊計修志終始費時未久與事諸賢瘁心肆力而路子雪堂總攬其成爲功尤有足多當其經營之始但計翼此盛舉何期本任樂觀厥成不盡慶幸之餘乃有感焉自長商邑善政未敷良用內疚躬逢曠典名附以傳去後芳吳殊懷懷懼不揆無文聊據胸臆用示鴻爪云爾

中華民國二十四年歲次乙亥九月

山東商河縣縣長石毓嵩拜序

重修商河縣志後序

志者識也識道之大小載之外史小之志一邑與大之志一統體例不同指歸則一所以攷政治之得失辨人情之好尚審風俗之美惡俾官斯土與著斯土者視效觀法以臻一道同風之盛而成世界大同之治也志與史義同而體異史紀一代以昭勸戒志紀一方以備採擇史有褒貶志則善善從長而修志尤難於修史才疏則敘述難離學淺則稱引寡陋識闇則論斷悖謬江文通謂志者典章所係非老於掌故者不能爲也故往往遲之久以待其人商河縣志創於邑令曾公一個自明萬歷丁亥越五十餘年至崇禎丁丑邑令賈公前席續修迨清道光壬辰百九十五年邑令龔

商河縣志

卷之首

序文

二

公廉白踵事增華集其大成付之手民迄今將近百年遞經兵燹板半燬於火其間世運升降建置沿革禮樂損益戶口增減物產衰旺人文興廢風尚醇沽與夫聰明才智文武忠孝以及山林隱逸之士薈屋窮簷之殘不可枚舉設不繼事重修後之人欲觀賦而有所激勸其道無由况舊志多缺誤尤有亟宜補正者邑隸大風表海之城非特山左一都會實亦鍾靈毓秀區也九邱邈不可稽唐虞夏商屬兗州周爲麥邱屬齊秦屬東郡漢爲漯陰爲勃屬平原郡千乘國樂安國爲豐成爲張鄉屬河平郡爲涇沃屬千乘郡爲延亭屬建信郡隸青州部魏爲涇沃屬樂安郡樂陵郡隸青州部晉爲涇沃屬樂陵國隸北青州部南北朝爲涇沃屬樂陵郡

隸涿州部隋爲涿沃爲涿河隸棣州改涿州尋改渤海郡商加水旁作滴本桑經酈注以滴水名縣明於漢之許商無關也唐爲涿河屬涿州德州棣州樂安郡隸河南道五代爲涿河屬棣州隸河南道宋去水旁爲商河屬棣州樂安郡隸河北東路金爲商河屬棣州隸山東路割入爲齊劉豫八年元爲無棣屬涿州隸河間路爲商河屬棣州隸濱棣路後隸濟南路明爲商河屬樂安州改武定州隸濟南府清爲商河屬濟南府後屬武定府俱隸山東省此皆攷歷代正史旁參地輿各志足以徵信舊志未列圖表疏舛殊多若封圻則漢之濕成侯忠雲夷侯信濕陰定侯昆邪定安公備子嬰古蹟則漢之雲城唐之雞籠鎮名宦則周之麥邱封人後漢

商河縣志

卷之首

序文

三

之史弼鄉賢則周之麥邱邑人後漢之補衡唐之馬三寶僑寓則後梁之王彥章亦皆缺而未登至於明之賈斌馬泰伸清之先大夫興一公本傳太略宜援明史列傳陳文恭在官法戒錄馬氏家乘吳楚心跡家訓輯要等書採入以成完璧他如襲楷疏中劉瑣誤作劉瑣干吉誤作於吉宮崇誤作宮禁別風淮兩指不勝僕况巨公懸市之業藏之名山故家斷簡之遺享同敵帝滄海明珠遺而難索珊瑚鐵網多未收載尤可笑者許商未嘗治河取冠名宦馬裔孫儒暗苟祿用弁鄉賢且掩其文章著述八分書札之善而以當時所譏之三不開修爲美談歷傳四朝歐公列之雜傳以長樂老之流亞淵淵馨香何以爲訓余嘗三復流連往往歎息痛恨

於文獻淪落而深慨商之無人也夫其地其人其事必生長於斯者能周知其故志之不能不借証於是邦之士大夫以故其所清咸豐己未修郡志光緒辛卯續省志俱沿襲舊說草草續貂乙巳邑侯陳公蔭南奉撫扎修鄉土志聘廉編纂廉補正舊志缺誤數百餘條如歷史市類然限於例目未遑於邑乘一一更訂之也民國甲戌石縣長中峯奉令重修縣志聘廉爲分纂於本年三月立文獻委員會分類編纂迄九月歲事據故實採新聞有圖有表有增有減缺者補之譌者正之文不尙鋪張事務求覈實雖不敢比常璩之華陽志宋敏求之長安志范成大之吳郡志康對山之武功志馬定宇之安邱志爲信今傳後之書然稽往籍之疏遺闕時制之

商河縣志

卷之首

序文

四

精蘊酌古今釐規條要必斬於可崇可法可勸可懲務臻明備而不少留遺憾顧同事諸君臚見各殊以爲舊志未可輕改名宦鄉賢題准方得與祀許馬崇祀在明時已昭一旦撤去有駭聽聞落第籲請異時聖學昌明提倡公道賢士大夫綠章上奏援引班書歐史條陳許馬事實仰稟睿裁以定去取可也未便自我翻案禮曰有其舉之莫敢廢也不妨姑留疑案以待後人論定云云竊謂天下公事自有公是公非不容參一私智誠恐承學之士目不睹二十四史之書以縣志爲信史許冠名宦無功倖邀者藉爲口實馬弁鄉賢欺世盜名者必多穢濫貽誤將來流弊胡底所關於世

道人心甚鉅用是摘錄以上各節并諸簡端以俟博治者之考訂焉若夫志之比舊增入者交通以來遠人實業以殖貨產兵防以資保障民族以重民胞大事叢志各以類書綱舉目張洪纖不遺下以續野獲之編上以備輶軒之採他年太史問俗方且詢其部洲咨其方物據斯志載入版圖以成一統無外之書皇古大同之治不難復見於今日豈第有益於吏治民風爲學士考鏡之資哉
中華民國二十三年龍集甲戌冬月邑歲貢生潔泉王心廉謹識

商河縣志

卷之首

序文

五

重修商河縣志序

維民國甲戌春蒙縣長石公中峯聘同郭星珊諸好友續修縣志稿脫欲著數言愧無一字因憶清光緒十七年辛卯張勤果公巡撫山東欲修通志飭所屬各郡縣搜訪修輯預作基礎適余先嚴春浦公長商河義學蒙邑侯陳公集三聘同協修時則有若王蘭圃邱震谷馬次公張煥堂等皆一時名宿相與討論參訂囑余清繕言猶在耳事豈忘心噫嘻吁哉曾日月之幾何屈指已四十有四年矣由今日之舉行思當年所錄述彷彿猶想見其時政教休明風俗醇美人心簡樸官吏以貪污相戒士庶以耕讀相勗上下恬熙各安其業男尚忠信女矢貞潔雖遇顛危不改風節至父慈

商河縣志

卷之首

序文

六

子孝兄愛弟敬夫義妻和和觀而善習爲固然無足異者惜禍來自天文將掃地老成凋謝典型無存竟等杞宋之無徵矣願諸君好爲之無使是編仍等杞宋之無徵有負我縣長考文獻之盛意也幸甚

民國二十三年歲次甲戌七月望日邑庠生李嚴霖傅卿氏謹序

重修商河縣志序

邑之有志猶國之有史體例同而意旨稍異史以綜一代之治亂得失寓春秋褒貶之微意故其年表世家列傳數陳事蹟以垂鑑後世若夫志即周官職方氏之所掌所以考輿地之沿革財賦之盈虛河道之變遷戶口之增減以及學校之興廢人物之盛衰莫不臚列而縷述之使讀者偶一披覽而一邑之土地人民風俗物產瞭如指掌其文無取乎鋪張其事易鄰於據拾重實錄也則邑志不綦重哉吾邑之志自清道光十六年重修付梓以來光緒中葉雖重修一次因未付印稿已失亡屈指至今失修者將近百年其間滄桑變更制度損益又兼民國肇造政治更新若不及時重修竊恐文獻不足後將無徵前溫縣長鍾洛李縣長鳳五屢議重修均因升調而中止民國二十二年縣長石公中峰以大學畢業考列優選來宰是邑下車伊始索觀舊志艱於搜尋卽毅然以重修爲己任因案牘叢脞未暇及此越明年春政平訟理方擬進行適奉省府通令飭各縣同修縣志以爲重修省志之基礎奉令後卽召集各機關開會討論咸謂可於文獻委員會附設重修縣志股延聘紳耆開館編纂遂聘馬君忠藩等九人爲分纂於二十三年三月開始重修以標材亦得隨諸君之後與聞其事諸君皆邑內名宿學識兼優聞見俱廣各展素懷同抒偉論分門別類綱舉條晰訛者正之遺者補之不安爲附會亦不沒其幽潛

商河縣志

卷之首

序文

七

石公亦不時參互考訂增刪筆削九閱月而稿脫脫稿之後諭編次學淺識薄曷敢承負辭不獲已勉膺鉅任查道光舊志係族高王父雲衢公司編纂先曾王父其俊公任參訂成法俱在舊例堪循遂查照舊志八綱增鄉區氏族實業交通四綱共十二綱一百一十八目遵先例也編次既竣行將付印謹述其顛末而爲之序

中華民國二十四年九月歲次乙亥雪堂路程誨序於潤德草堂

商河縣志

卷之首

序文

八

商河縣舊志稿序

明萬曆十五年

知縣曾一侗古陳

不佞承乏商河實質爲懼弗克荷以取罪戾及今三載矣凡所耳聞目擊者不少然縣宇所際以闢荒穰有遺歷焉民俗所尙以諷鄉老有遺聽焉政事所陳以稽往牘有遺明焉無他文獻不足故也嗟夫以介乎齊魯文明之區仕於其地生於其鄉代有聞人而邑乘不備豈非一大缺典哉不佞下任歲惡吏事方殷未遑也歲在乙酉江右詹應陽來署教事司訓王君柏卿君邦瑞又皆博聞淹洽相與考邑之故事斬創志焉諒日開館聘邑之積學士編纂其中不佞亦間附己意總其類有十析其餘有五十八稿凡二易月凡五更本末俱舉細大不遺志與地宮室而經畫焉志食貨商河縣志

卷之首

序文

九

學校而教養出焉志官師選舉人物而勸戒昭焉志古蹟雜述藝文而幽顯闡焉凡所謂風土之宜人之情之便張弛緩急之序因革損益之方一披閱如指掌矣若曰言之不文行之不遠後之君子幸改作之此志爲屬稿可也

商河縣舊志稿序

清康熙十二年

知縣趙攀麟三韓

余嘗事冬曹稔聞山左名邦洋洋大風甲於天下心竊嚮往焉既秩滿得授商河令奉簡就事荒陬繁應日不暇給於簿書鞅掌之餘方思搜覽邑乘考風土辨物宜以定張弛緩急之序值憲檄纂修通志各州縣增新志書以昭大典稽舊志爲前朝曾公所著成於萬歷丁亥屈指今茲九十餘年其間滄海桑田白雲蒼狗不知

凡幾且業經鼎運政令因革風俗盛衰足當記載者多矣及此不治何以徵文獻而備掌故耶謀之司教薛君達諸生之才識敏治者三人酌古訂今蒐遺探隱稽數易甫成書蓋其慎也聞之格物之學明德之先務也前事之紀後事之師資也志仍上下兩册列卷以十編目五十有八若夫則天時因地利和民俗調物宜斯長民者所有藉也今人與居古人與稽箕裘弓冶罔失其舊都人士豈無小補哉余將藉以仰答功令垂鏡來茲如以是爲經國之大業匪所敢居云

商河縣舊志稿序

清康熙二十五年

知縣金

鉅奉天

古者列國皆有史史者所以別忠邪考得失昭鑒戒述秦人罷侯置守而史無專職遂不曰史而曰志名雖不同義實一也商河爲古齊北鄙泱泱大國之風猶有存者予以非材濫膺是邑蒞政之餘獲與賢士長者相接開謦詢之故老採其遺事奈古乘雖存而隆萬以後大都闕焉未備歲在壬子前知縣事三韓趙君奉檄纂修縣志以備通志採擇稿成趙君榮擢去未登梨棗予因延原纂

卷之首

序文

一〇

王生宗振檢得存本仍俾操觚增注節繁飾要間以己意裁酌其間於星躔辰緯則深寅畏之思於疆域建置則動萃渙之意觀膠庠祀典知敦秩之是崇焉考賦役食貨知民艱之是恤焉折衝足以資武備旌別所以勵人才異日者輶軒之使人境而採風吾知必有資於治者不可謂非合於別忠邪考得失昭鑒戒之道也是

爲序

商河縣志略抄序

清道光元年 邑舉人王 怡樂序

披閱聖賢經傳與歷代史書數十年矣而不知其理之所極因廢然返以爲得活潑真機乃可有獲遂勞精竭神寢食無間期與古合而終覺扞格不入也並此平日讀書窮理之心而不能自持既恍然曰心不持者求可以寄之者寄之偶得舊志抄本武定志原本合而校之各仍其舊兼取書史有關於邑之事跡見於他志邑人所見所聞所傳聞者並抄之積年成若干卷夫存往日之文獻供後人之鑒戒是大雅君子所爲末學何敢當此夫亦聊以寄不能自持之心而已抄既盡因志其起訖如此

商河縣志

卷之首

序文

一一

商河縣志舊序

道光十六年

山東學政季芝昌江陰

商河齊麥邱邑也俯瞰渤海環抱清河屏障畿甸掎扼南北古無棣之墟用武之國也華亭饒君廉白以貴介之胄具翼亮之才試烹小鮮來攝是縣政化既宣刑清有暇適披圖經校簿錄慨邑志之放佚惻文獻之寢亡且懼良莠無以甄庶務無由理於是詢耆長采鄉歲稽古觀今闕疑刊謬歷五月而成書越三載而授梓凡爲圖十四爲志八爲卷十分藝文爲上下二卷而以圖冠首焉既成乞序昌既嘉君之勳心民瘼立言扼要也又以古者六典之治總之秉宰九州之簪實掌史官則昌之有言亦固其職况昌奉天子之命爲輶軒之使凡郡縣之淳漓疾苦潛德懿行皆日夕所

願聞期與二三賢令求底於大同也其敢以不文新弊君之請廼爲之序曰惟皇衆建邦國永綏兆民爰命北正司地辨方知俗條其土之宜使物產有恆也厥有堅墉偃瀦肥墩高下山林川澤墳衍原隰之名別其氣之異使民生以遂也厥有陰陽向背氣候遲速寒暑陵衍剛柔燥濕之變是以民居五方之地各稟其土之性相爲飲食被服好惡輕重以各適其適而莫可變更是故善政者不怒而民畏善教者不勞而民順何也物具土宜知其利害達其志而通其欲因其尙而劑其宜故曰廣谷大川異制人居其間異俗書錄夏貢職記周官政教克彰靡不由此羣秦肆暴掌故蕩然蕭何入關得秦圖籍天下要書賴此而知厥後朱貢條記風俗班

商河縣志

卷之首

序文

一二

固始志地理及摯虞陸澄任昉顧野王之屬靡不譏述地記類門名家然皆囊括宇宙虛牟郡國至如士衡洛陽沈瑩臨海劉損京口陸厥鄴中盛宏之之記荊州常武平之譏蜀志陳留風俗傳自閩稱汝南先賢爰成周斐隋大業中又普詔諸郡條其風俗物產地圖上於尚書故隋有諸郡物產土俗記及區宇圖志諸州圖經集等書此則猶存先王之遺風誦訓之美意焉若乃縣邑之治勸有成編則維景定建康咸淳毗陵宋氏長安嘉泰會稽載記周詳考核精當足與古史媲美隆矣夫郡縣之賴有志乘也非以聘遊觀之美誇物產之盛所以正疆索攷沿革記山川明關隘訂財賦陳風俗搜遺軼之聞寓勸懲之旨範居人之性貽來哲之良規也使

纂輯者不得其人則繁簡失次謾衍軼矩啓後篇之舊惑爲學士之詆謨其與放軼舊聞荒怠國政貽譏先覺相去無幾是可懼也若殷君之爲此書也徒駭馬煩辯列代之訛竟域青城斟地志之誤計戶口之盛衰校田賦之贏絀報功之典有祀必登禮樂之林有舉即錄其他人事土宜淑行鴻筆罔不綱舉條繁實欽華足以爲來者虛堂之金鑑照夜之驪珠矣夫以輪輻之宜於軌道也舟楫之利於江湖也使涉洪流之津遇風波之阻亦知捐駮駟之名乘而鼓楫於中流也使登太行之峻孟門之險猶欲以江湖之利利焉雖使共鼓操之造父策之吾知其害不在顛蹄而在乎有所不行矣然而懲其害而不謀其利泥於物而不究其用是猶舍

商河縣志

卷之首

序文

一三

登山之舸槳而涉海以輪輿也然而瓊艘瑤舫無涉川之用頽波疊浪有覆舟之虞循名而不稱實安常而不權變厲涉之細猶復如斯矧茲政施教民生攸屬者乎是以介潔而無通變者非慎幹之器儒雅而乏經緯者非盤錯之材是又在讀君書者引而伸之觸類而長之庶無負殷君修志之雅意先王驅理之憲典俾使者於采風問俗之下共慶庶政之修和也豈不煌哉豈不煌哉

商河縣志舊序

道光十六年

山東布政使劉斯崐

邑之有志將使官斯土與著斯土者悉其地利所宜民風所習井疆之附麗戶口之盈虛經緯山川蒐羅文獻以存一邑之掌故非徒具文已也商河爲武郡劇治自漢成帝時河決平原流入濟南

千乘諸郡許商以博士疏治有功民感商德以商名河用誌不忘漕漑之利至今賴之說苑載齊桓田麥邱卽今縣地麥邱老人祝桓公桓公封之而霸其民嚮風慕義又如此麥邱名邑始於戰國歷漢唐以來代置縣治迄今垂千餘年矣可任其紀述無聞而泯沒耶顧縣志創於前明萬歷中入國朝屢議修纂未覩成書道光辛卯冬華亭張君廷煌攝縣事甫下車卽進邑人士採訪校訂補漏芟訛未數月書成簡而賅詳而整裁制有體具見著作之長微予言以弁其端予司藩東土嘉與閭屬諸君子宣上德而達下情竊謂勸求教養者致治之本也旁稽故實者佐治之餘也二者原不可廢也今張君從容坐理先盡其職業而綽有餘裕廢者以興

商河縣志

卷之首

序文

一四

墜者以舉俾後之官斯土與著斯土者有所考証焉觀感焉其視苟且爲治而日不暇給與夫急其所緩而不免於矯者其材果孰優而孰拙哉遂書之以爲序

商河縣志舊序

道光十六年

山東提刑使者蘇廷玉同安

郡邑之有志以備參考不博採則不備而求備者或隣於濫不精覈則不信而求信者乃近於刻古今修志通病也商河邑志失修久矣其山川制度以及人文物產後將無徵張君廷煌攝邑篆力任其事是舉數百年廢墜之業而興之謂非賢司牧耶張君以將門子生文物地宰聖人鄉博物而有著作才勤政而有循良譽以其餘閒據舊徵新綱舉目張條分縷析既備且信可垂永久推此

意以牧民而凡興利除弊分所當爲者無不盡力所能爲者無苟安以治官事以厚民生又豈僅文采風流之福思於邑人士已哉

商河縣志舊序

道光十六年

山東督糧道張祥河

商河之名至宋而始著蓋自漢成帝初鴻遼奏浚屯氏河丞相御史白遣博士許商行視治之有續其後商官至河隄都尉以鴻嘉四年偕丞相史孫禁行視禁欲決平原金隄間開大河令入故爲馬河至海五百餘里而商以爲禁所欲開者在九河南篤馬河失水之迹處勢平夷旱則淤絕水則爲敗不可許公卿皆從商言宋仁宗慶歷中河日南趨始易故縣元時改復無棣舊名至明改名商河則以棣爲成祖名諱之然則縣之建置甚古而河勢因之變

商河縣志

卷之首

序文

一五

遷其事蹟豈可無所考與吾友張君廉白以試令來署邑事偶舊志之簡略於是發文籍起凡例詳考往昔經緯時事意欲確然爲典覈之書閱半載而成編既以示予屬爲序予受而讀之見其條理秩然序次不苟而於古今河道變遷之故辨別尤晰其言以爲縣境自漢暨宋盡河流所經河形久廢無跡可溯惟土河商河沙河即篤馬河者猶有可考此其言絕可據依予初至山左督理漕務往來倥傯於古今河道曲折異同未暇詳考竊喜讀君之書得君之爲政與其所以用心故不辭而弁其首至其書之綱目具舉詳略得宜讀者當自得之茲不備論云

商河縣志舊序

道光十六年

濟南府知府王贈芳

自侯衛易爲守令以治郡邑其治雖統於天子而文與獻之繁然者俱不可以弗紀而又若不若建國之有史官各司其典籍以董厥職則一於守令乎責之爲守令者自訓農勸學察下理人以及粟

布之鈎稽獄訟之紛糾無鉅細必躬親焉視古伯子男之國其難治始倍蓰秣滿則大吏攷其績率不久任輒遷擢職務之不暇奚暇及於文學幸而才餘於政又幸而久任與郡人士博考舊章網羅散佚取前人之成書而補綴之若此者什不得一二焉其或新故相代暫攝其事蒞官僅數月而能留意於文獻者則千百人中不得一二焉至若志乘殘廢更數百年舊聞久軼故老無存而欲蒐其遺修其闕雖久官斯土者猶不果爲況計日受代者乎由舊

商河縣志

卷之首

序文

一六

者易爲功而創始者難爲力理勢然也商河古麥邱地自前漢始置邑曰勃曰濕沃曰滴河至宋始易今名置縣以來千有餘載前明中葉邑令曾公一偁始創爲志續修於賈公前席僅二冊所載止明事其爲闕略也多矣入國朝來涵濡列聖之澤垂二百禩生齒之殷繁人物之傑偉軼乎前古而紀載闕如華亭龔君廷煌以道光辛卯冬十二月攝縣事始至進諸生而知其狀慨然曰此守土者之責也在任三月政平訟稀迺求遺書訪近事手自排纂居無何以尊甫示疾陳情去任邑人嗟然若失君仍以侍奉餘晷編定爲八卷越壬辰秋九月而志成出其首冊屬序余守劇郡兼綰離符不獲卒業於斯獨以數百年殘廢之書而覬君能修輯之是

所謂千百人中不得一二者此其賢豈凡爲吏者所及哉又竊自
念守齊郡將二載郡志之不修亦百有餘年矣悼成憲之無傳惻
遺文之將墜亦願與諸牧令共修之而牽於事困於慮微行牛載
牧令遷延至今未獲開寶館招賢俊與之草創其事始之不圖鮮
終益懼計余守郡之時數倍於張君之攝縣事而郡志之殘缺又
不若商河志之尤甚君則甘爲其難而卒有成余獨不能爲諸牧
令倡益以見有志者之難其人也山左州邑志率不完備誠得如
賢君者數輩政事之餘旁及文學爲之無弗成成之無弗速察俗
尙以施教化考政事以知得失彬彬乎如列國之各有紀載無使
後之論者謂郡邑之吏苟簡爲治也序以睦之既以勸凡爲牧令
商河縣志 卷之首 序文 一七

者亦用志余之愧云爾

商河縣志舊序

道光十二年

武定府知府湯世培甫

周官小史掌邦國之志土訓誦訓掌地圖方志今志乘所由昉也
上以省方觀民下以攷覈得失所繫亦綦重矣歲己丑余銜恩命
來典隸郡隸屬牧令各挾志書進大都裏然成集民人土地朗若
列眉惟商河首號繁區邑志獨寥寥數十頁近二百餘年令行材
植略無可稽諮於守土則仍前明原刻兩冊摭集殘缺姑持贈應
故事耳余固知急遽增修之不易勉敬念我國家道一風同涵濡
膏澤凡厥通都大邑習尙敦龐地宜饒沃其間舉廢張弛足以鑒
已往而示後來者卓有可傳願任其紀載無聞若是耶祇竊三稔

雲間龍君廷煌攝篆斯邑毅然引編纂爲己責自春徂夏搜羅文
獻博採舊聞籤插如林粹以乞養謝任深懼成書中輟携牘省門
陔詠餘閒綜名覈實載閱月而脫稿可叙於余余曰爲治有道以
神不以迹志乘固一邑之迹而生聚教訓之謀於上和親康樂之
應於下可以徵今信古悉有神以運乎其中與君振不敝之神運
已然之迹觀其從容奏最則迹存而神益泐矣爰余始莅郡釋菜
仰瞻靈宮殿廡而外榛蕪葳蕤積詢知爲前守恩方伯瓶修未竟遷
擢去郡久待踵成余慨然難安亟購輶木捐廉倡導集貲萬餘逾
年告成燦然大備得聞於朝是役也視與君興廢墜以資觀感意
弗殊也第余修郡學廣藉羣英君修邑志獨衷卓識其事不較難
商河縣志 卷之首 序文 一八

商河縣志

卷之首

序文

一八

哉比審張君奉諱將返吳淞深爲扼腕竊嘗君出山即取是輯付
梓徵特斯文稱幸余且書此爲左券云

商河縣志舊序

道光十五年

知縣王元壽

夫郡邑之有志乘所以考田賦而知催科撫字之條崇學校而詳
求父進賢之典表德行開幽微以厲風俗登物產編戶口以定民
生所繫不綦重哉商河古麥邱地其志成於前明邑令曾公一侗
在萬歷丁亥至國朝康熙十二年趙公攀麟奉檄纂修二十五年
金公鏗踵修之均未登梨棗垂今百七十載舊章軼事湮沒無傳
矣歲辛卯余承乏是邑適夏秋兩潦淫積田疇被淹余按行各鄉
設法疏濬俾水歸其壑不至成災有詩紀事邑人士從而和之因

此知原隔之高下濬澮之通塞橋梁之廢興非志乘無以資考鏡
登信纂修之不容已也任未一載量移平陵繼余者爲華亭張君
甫下車余即以是舉敦屬與君與余同志公餘即進邑紳士而謀
之食樂爲役於是網羅放失參訂異同不半載而書成郵寄示余
余詳加增損以昔之閱歷核諸父老所傳聞較徒事丹鉛者爲能
扼要庶幾上下之間無杆格不達之隱條分縷晰而不病其繁張
目舉綱而不嫌於略燦乎隱隱各得其所不特表山川之瑰麗人
物之奇偉而已公是志也上以備國史之採下以資民社之助爲
功豈淺鮮哉後之來者至亦諒我兩入之心也可

商河縣志舊序

道光十六年

知縣張楷河內

商河縣志

卷之首

序文

一九

壬辰六月華亭張君廷燁卸商河邑事余奉檄繼其任甫交篆即
以所修邑志稿授余曰此煌半載之間所網羅攷訂益有成書今
將舍此而去惟君斟酌其宜務使盡善也余謹受之歎是志之失
修也幾二百年矣况商邑爲古麥邱地迨漢以來宜茲土者不乏
名賢生其地者世多奇傑以及田賦之上下川原之變遷政治之
異宜民風之敦薄非無今昔之殊則志之所繫不爲不重而此二
百年內放失遺棄不知凡幾一旦窮搜遠討使湮沒者畢微顯著
則此舉也固非易易而張君於半載之間克成是業殆亦有數存
也夫余敢以不文辭公餘之暇再三紬繹爲之增其簡損其繁事
無鉅細成歸核實編次體例瞭然列眉則是志之成也可以裨國

計而資吏治扶文教而勵民心者固爲彼都貽無窮之利而可視
爲具文哉今春曉君服闋來東晤於棣州郡齋謀將付之剞劂氏
以垂永久余爲一言以志其願末云

商河縣志舊序

道光十五年

知縣張廷燁華亭

商河縣志

卷之首

序文

二〇

列聖相承重熙累洽士民漸仁摩義返樸還淳至今且二百年其
間吏治之得失民生之聚散物產之衰旺不志而彰其日佚非守
土之過哉煌於辛卯季冬攝縣事今陞河南知府前令王公元濤
告煌曰商志失修久予在任日淺經水患有志未逮子其勉之視
事日索舊志觀殘缺不復成書進邑人士詢知前人欲修屢矣卒
未成康熙乾隆間修一統志通志府志因舊本久缺邑人第收拾
殘簡補綴以應未臻美備嘉慶中邑孝廉王怡銳意修纂採訪頗
廣未竟而沒爲歎息於鉅典之蔑如也乃榜於城鄉勸勵士庶有
藏書及撰著論議者悉獻無隱合邑紳士復廣採訪未幾而舉節
孝陳事實告遺聞者彙集每日判公留二時許批閱隨手編門類

定去取積三月而條目次序了然胸中適先將軍示疾省寓辭邑
 事去邑人士攀留不得煌亦忽忽若有所失也既而奮然曰天下
 事因循一日蹉跎百年前之人欲修屢矣而卒未成不類此哉煌
 縱不文敢不勉以卒業至省以待奉餘畧列抄胥數人手批口授
 指揮進退匝月而草稿定爲綱八爲目八十有六始於道光壬辰
 三月望成於是年九月時先將軍捐館舍煌奉諱南旋遂以稿本
 正於前令王公後令張公加訂定越三載乙未春服闋至東惠民
 二尹錢公復加讎校而後付梓博雅君子尙其誨以不逮而增其
 遺望焉幸甚

商河縣志

卷之首

序文

一一

重修商河縣志目錄

卷之首

序文 總目 職名 凡例 圖畫
 大事記

卷之一

輿地志

星野 沿革 疆域 形勝 河渠

封圻 古蹟 陵墓 八景 風俗

時令 氣候

卷之二

商河縣志

卷之首

總目

一一

建置志

城池 公署 壇壝附寺 郵政 倉儲

橋梁 市集 坊表附碑

交通志

舖舍 郵政 電話 汽車路

實業志

物產 苗圃 森林 農工商業

卷之三

鄉區志

鄉里 戶口 宗教

卷之四	賦稅志	田賦	契稅	課稅	雜稅	教育捐
卷之五	行政費	教育費	附自 治費	財政表	鹽法	
教育志	學宮	祀典	學制	書籍	碑額	
義學	學田	書院	禮儀	學校		
卷之六	職官志					
商河縣志	卷之首	總目	一三三			
知縣	附縣丞 主簿	典史	教諭	訓導	行政機關	
自治機關	兵防	名宦	官績			
氏族志	姓氏					
卷之七	選舉志					
徵辟	文科	武科	文秩	武秩		
封贈	欽賜	恩廕	例貢	例職		
橡職	鄉飲	議員	學校畢業			
卷之八						

人物志	上	鄉賢	賢行	忠烈	孝友	文苑
義行						
卷之九	人物志	下				
武功	獨行	耆德	方伎	仙釋		
列女	節孝	貞烈	賢淑	壽婦		
卷之十	藝文志	一				
誥勅	諭祭	詔	對	疏		
商河縣志	卷之首	總目	二四			
卷十一	藝文志	二				
記						
卷十二	藝文志	三				
序						
卷十三	藝文志	四				
墓志	墓表					
卷十四						

藝文志 五

考 引 傳 記略 贊

祭文 跋 書後

卷十五

藝文志 六

詩 賦 詞 撰著 叢志

商河縣志

卷之首

總目

一五

重修商河縣志職名

鑒定

山東省政府主席 韓復榘 河南方

山東省政府民政廳長 李樹椿 河南方

山東省政府教育廳長 何思源 河南方

山東省政府財政廳長 王向榮 河南方

山東省政府建設廳長 張鴻烈 河南方

山東省政府秘書長 張紹堂 河南方

督修

署理商河縣縣長 石毓嵩 河南方

商河縣志

卷之首

職名

二六

協修

商河縣政府第五科長 楊峻峰 河南方

監修

商河縣政府第三科長 王全瑞 河南方

纂修

商河縣政府第一科長 王錫恩 河南方

商河縣政府第二科長 王鳳章 河南方

商河縣政府第二科長 袁松言 河南方

商河縣政府秘書 呼廉方 河南方

辭備主任

商河縣前教育館館長女學校長 李永榮 邑人	
分纂	
邑 廩 生 馬忠藩 廩生	
前山東諮議局議員候選訓導廩貢生 郭連科 星瑞	
前豐縣知縣邑廩貢生 王底績 筱薇	
前山東省議會議員邑增生 牛桂林 馨山	
邑 歲 貢 生 王心廉 漢泉	
邑 增 生 李巖霖 傳卿	
前教育局局長邑附生 任鏡涵 仙符	
前山東省議會議員山東農林學堂畢業生 韓建碑 莜峯	
商河縣志 卷之首 職名 二七	
分纂兼編次監印主任	
商河縣文獻委員會委員長 邑廩生 路程誨 堂	
義務分纂	
張振甲 邑人 東官統己酉科拔貢生	賈雲亭 籍江邑附生
王燮臣 之陽邑附生	劉同雲 兩辛邑附生
車在敬 德興邑附生	田子瀛 蘆仙邑附生
魏丕助 師範山東優級師範畢業	王榮方 籍陽邑附生
于清潤 洗馬邑附生	王文楫 芝軒邑附生
李鴻猷 秩軒邑附生	王道宗
孫敬修 來軒邑附生	楊秀春 夢塘邑附生

張豐宸		梁振鵬 邑南邑附生
王 熙 教伯太學生 齊筑縣典史		王 雍 京師大學 京師大學 京師大學
魏儒成 大華學堂 日本大阪工業大學畢業		上官雲相 京師大學 保定軍官學校
張逢巽 向南正誼中校畢業		程登科 步青保德任職
馮光榮 華清北平師範大學 文學士		王秉珩 寧晉中央大學 文學士
孫元璣 在衡武昌師範大學 畢業		王秉璇 玉衡北平師範大學 文學系畢業
孫元璣 玉衡北平師範大學 畢業		王在德 子俊北平師範大學 理學士
魏志敏 銘菴北平大學 法學院		馮光成 子章北平大學 工業院
周本乾 健生北平美術學院		張行東 夢周北平警官學校
徐榮源 師範南京文藝專科 畢業		李文傑 漢籍邑附生
商河縣志 卷之首 職名 二八		
孫毓岫 大峨邑廩生		侯蘭齋 以字行山東省立農村師範畢業
楊 介 秋如北平私立大同中校畢業		王玉鑾
採訪		
第一區		
程雲海 星樓		王長和 子平區隊長兼鎮長
孫維曜 邑東區長		王 臣 國縣鎮長
張守功 以下皆鄉長		呂華霖
王長文 壽昌		李璧如
第二區		
王守智 壽昌區長 慈民人		劉培旺 鎮長

杜德富	縣長	周伯義	鄉長
王平仁	恩南區隊長 兼鄉長	張采荅	以下皆鄉長
李玉珍		楊守麟	
李同林		馮光輝	
王蔭蒲		史慶興	
王連常		李興隆	
鄭梅林		牛安居	
田光玉		王昭然	
第三區			
趙名山	後峯區隊長 縣人	張子元	鎮長
商河縣志			
卷之首			
職名			
二九			
李榮吉	鎮長	鄭克岐	鳳鳴區隊長 兼鄉長
蘇正泗	以下皆鄉長	孫開瑞	
王萬玉		畢振基	
王慎齋		范培林	
李清明		呂殿春	
党秀峰			
第四區			
王淦泉	濟源區隊長 德平人	劉文炳	以下皆鄉長
段光清		張遵忠	
魏學禮		高會坤	

趙衍倫		李廣澤	
胡步青		蘇康平	
趙虎臣		劉尙文	
王治朝		王綱漆	漢卿區隊長
第五區			
徐英華	子傑區隊長 富化人	張汝興	鎮長
夏錦輝	以下皆鄉長	傅恩榮	
張義田		元恒太	
楊桂林		馬世祿	
林殿桐		陳希湯	
商河縣志			
卷之首			
職名			
三〇			
溫朝聘		郭宗元	
李文辰		元恆德	宣三區隊長
第六區			
高子灼	輝廷區隊長 無棣人	李允廉	鎮長
劉竹亭	以下皆鄉長	張廣岐	
孫維堂		劉金堂	
張傳璧		王清濤	子源區隊長 兼鄉長
李興昌		董蘭華	
徐象乾		王有範	
第七區			